

20 декабря, свт. Амвросия Медиоланского

ВЕЧЕРНЯ

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь. Приидите, поклонимся Царéви нашему Богу.

Приидите, поклонимся и припадём Христу́ Царéви нашему Богу.

Приидите, поклонимся и припадём Самому́ Христу́, Царéви и Богу́ нашему.

Псалом 103

Благослови́, душе́ моя́, Го́спода. Го́споди, Бо́же мой, возвели́чился еси́ зело́. Во испове́дание и в велеле́поту облéклся еси́. Оде́йся свéтом, я́ко ризо́ю, простира́яй не́бо, я́ко ко́жу. Покрыва́яй вода́ми превы́спренняя Своя́, полага́яй о́блаки на восхожде́ние Своё, ходя́й на крилу́ вéтрению. Твоя́яй А́нгелы Своя́ ду́хи и слуги́ Своя́ пла́мень о́гненный. Основáяй зéмлю на твёрди ея́, не преклони́тся в век ве́ка. Бездна, я́ко рíза, одея́ние ея́, на гора́х ста́нут во́ды, от за́преще́ния Твоего́ побéгнут, от гла́са гро́ма Твоего́ убо́ятся. Восхо́дят го́ры и нисхо́дят поля́ в ме́сто, е́же основа́л еси́ им. Преде́л положи́л еси́, е́гоже не прей́дут, ниже́ обратят́ся покры́ти зéмлю. Посыла́яй исто́чники в де́брех, посреде́ гор про́йдут во́ды. Напáют вся зве́ри се́льные, ждут она́гри в жа́жду свою́. На т́ых пти́цы небéсныя привита́ют, от сре́ды ка́мения да́дут глас. Напáяяй го́ры от превы́спренных Свои́х, от пло́да дел Твои́х насы́тится зе́мля. Прозяба́яй траву́ ското́м, и зла́к на слúжбу челове́ком, извести́ хлеб от земл́и. И вино́ весели́т се́рдце челове́ка, ума́стити лице́ елéем, и хлеб се́рдце челове́ка укрепи́т. Насы́тятся древа́ польска́я, ке́дри Ливáнстии, ихже еси́ насади́л. Та́мо пти́цы вогнездят́ся, еродие́во жили́ще предводителъствует ими́. Го́ры высо́кия елéнем, ка́мень прибе́жище за́яцем. Сотвори́л естъ луну́ во времена́, со́лнце позна́ запа́д свой. Положи́л еси́ тму́, и бысть но́щь, в не́йже про́йдут вси зве́рие дубра́внии. Скíмни рыка́ющие, восхити́ти и взыска́ти от Бо́га пи́щу себе́. Возсия́ со́лнце и собра́шася и в ло́жах свои́х ля́гут. Изы́дет челове́к на де́ло своё и на де́лание своё до вéчера. Я́ко возвели́чишася дела́ Твоя́, Го́споди, вся премúдростию сотвори́л еси́, испо́лнися зе́мля тва́ри Твоея́. Си́е мо́ре вели́кое и пространное, та́мо га́ди, имже несть числа́, живо́тная ма́лая с вели́кими, та́мо корабли́ препла́вают, змий сей, е́гоже созда́л еси́ руга́тися ему́. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им соберу́т, отвéрзшу Тебе́ ру́ку вся́ческая испо́лнятся бла́гости, отвра́щшу же Тебе́ лице́, возмьту́тся, оты́меша дух их, и исче́знут, и в персть свою́ возвратят́ся. По́слеши Ду́ха Твоего́, и сози́ждутся, и обнови́ши лице́ земл́и. Бúди сла́ва Господня́ во ве́ки,

20 декабря, свт. Амвросия Медиоланского

возвеселится Господь о делах Своих, призирая на землю, и творя ю трястися, прикасаясь горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюсь о Господе. Да исчезнут грешницы от земли, и беззаконницы, якоже не быти им. Благословий, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже *(трижды)*.

Ектения великая

Диакон: Миром Господу помолимся.

Лик: Господи, помилуй. (на каждое прошение)

Диакон: прошения по чину....

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

И священник возглашает: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Стихиры на «Господи, воззвах»

Канонарх: Глас 1, Господи, воззвах к Тебе, услыши мя.

Лик: Господи, воззвах к Тебе, услыши мя./ Услыши мя, Господи./ Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние рук моею/ жертва вечерняя. // Услыши мя, Господи.

20 декабря, свт. Амвросия Медиоланского

свт. Амвросия, епископа Медиоланского на 6

На 6, стих: Аще беззаконія на́зриши, Го́споди, Го́споди, кто постои́т?

// Я́ко у Тебе́ очище́ние есть.

**Влады́чества престо́л украша́я добродете́лями,/ от вдох-
нове́ния Божества́нна/ священнонача́лие подо́бне при́ял еси́;/
те́мже ве́рен строи́тель благода́ти/ во обо́их, Амвро́сие, быв,//
сугу́б вене́ц насле́довал еси́.**

Стих: И́мене ра́ди Твоего́ потерпе́х Тя, Го́споди, потерпе́ душа́ моя́ в сло́во
Твое́,

// упова́ душа́ моя́ на Го́спода.

Та же стихира.

На 4, стих: От стра́жи у́тренния до но́щи, от стра́жи у́тренния,

// да упова́ет Изра́иль на Го́спода.

**В воздержании́, и болéзнях, и во бде́ниях мно́зех,/ и моли́твах
спротяже́нных/ ду́шу и те́ло очисти́л еси́, Богому́дре,/ сосу́д
про́чее избра́н яви́вся Христу́ Бо́гу,/ апо́столом ра́вен явля́ся,//
воспри́ял еси́ дарова́ния.**

Глас 4: Стих: Я́ко у Го́спода ми́лость, и мно́гое у Него́ избавле́ние,

// и То́й изба́вит Изра́иля от все́х беззаконі́й его́.

Та же стихира.

На 2, стих: Хвали́те Го́спода всі́ язы́цы,

// похвали́те Его́ всі́ лю́дие.

**Благочесті́ваго царя́, согреши́вша иногда́,/ я́ко Дави́да
Нафа́н, дерзнове́нием обличи́л еси́,/ Амвро́сие всеблаже́нне, сего́
я́ве отлуче́нию подложи́л еси́/ и, пока́нием наказа́в Боголе́пно,/ сочи́слил еси́ па́стве твоёй.**

Стих: Яко утвердися мѣлость Его на нас,
// и истина Господня пребывает во вѣк.

Та же стихира.

Слава, и ныне, глас 2: Слава Отцу, и Сыну, и Святому Духу,
// и ныне, и присно, и во веки веков. Аминь.

Прейде сень законная, / благодати пришедши: / яко же бо купина не сгараше, опалѣема, / тако Дѣва родила еси / и Дѣва пребыла еси. / Вмѣсто столпа огненнаго / праведное возсия Солнце, / вмѣсто Моисея / Христос, спасение душ наших.

Вечерняя песнь Сыну Божию

Свете Тихий святѣя славы, / Безсмертнаго, Отца Небеснаго, / Святаго Блаженнаго, Иисусе Христѣ. / Пришедше на запад солнца, / видевше свет вечерний, / поем Отца, Сына и Святаго Духа, Бога. / Достойн еси во вся времена / пѣти бѣти гласы преподобными, / Сыне Божий, живот дай, / темже мир Тя славит.

Диакон: Вѣнем.

Священник: Мир всем.

Лик: И духови твоему.

Прокимен

В неделю вечера, глас 7:

Диакон: Премудрость. Вѣнем. Прокимен, глас 7.

Боже, заступник мой еси Ты, / и мѣлость Твоя предварит мя.

Лик: Боже, заступник мой еси Ты, / и мѣлость Твоя предварит мя.

Диакон: Стоящии в храмѣ Господни, во двѣрех дому Бога нашего.


Лик: Боже, заступник мой еси Ты, / и мѣлость Твоя предварит мя.

Диакон: Боже, заступник мой еси Ты,

Лик: и мѣлость Твоя предварит мя.

20 декабря, свт. Амвросия Медиоланского

Молитва при наступлении вечера



Чтец: Сподоби, Господи, в вечер сей без грехá сохранитися нам. / Благословен еси, Господи Боже отец наших, / и хвально и прославлено имя Твое во веки, аминь. /

Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправданием Твоими. /

Господи, милость Твоя во век, дел рукú Твоею не презри. / Тебе подобает хвалá. Тебе подобает пение, / Тебе слава подобает, Отцу и Сыну и Святому Духу, / ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеву.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Вечера всего совершенна, свята, мирна и безгрешна у Господа просим.

Лик: Подáй, Господи.

Диакон: Ангела мирна, верна наставника, хранителя душ и телес наших у Господа просим.

Лик: Подáй, Господи.

Диакон: Прощения и оставления грехов и прегрешений наших у Господа просим.

Лик: Подáй, Господи.

Диакон: Добрых и полезных душáм нашим, и мира миру у Господа просим.

Лик: Подáй, Господи.

Диакон: Прочее время живота нашего в мире и покаянии скончати у Господа просим.

Лик: Подáй, Господи.

Диакон: Христианския кончины живота нашего, безболéзненны, непостыдны, мирны и добраго отвéта на страшнем судищи Христóве просим.

Лик: Подáй, Господи.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянуvше, сами себе и друг друга, и весь живот наш Христу Богу предадим.

20 декабря, свт. Амвросия Медиоланского

Лик: Тебѣ, Гѣсподи.

И священник возглашает: Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебѣ, Гѣсподи.

И возглашает священник: Буди держава Царствия Твоего благословена и препрославлена, Отца, и Сына, и Святого Духа, ныне и присно, и во веки веков.

Лик: Аминь.

Стихиры на стиховне

Глас 2, Октоиха

Канонарх: Глас 2, Иже земныя сласти не возлюбивше страсотерпцы,

Лик: Иже земныя сласти не возлюбивше страсотерпцы,
Небесным благим сподобишася, / и Ангелом сограждане быша://
Господи, молитвами их помилуй, и спаси нас.

Стих: К Тебѣ возведох очи мой живущему на Небеси. Се яко очи раб
в руку господий своих, яко очи рабыни в руку госпожи своея, тако очи
наши ко Господу Богу нашему,

// дондеже ущедрит ны.

Святым мучеником молящимся о нас, / и Христа поющим,
/всяка прелесть преста, // и человеческий род верою спасается.

Стих: Помилуй нас, Господи, помилуй нас, яко по многу исполни-
хомся уничижения: наипаче наполнися душа наша поношения
гобзующих

// и уничижения гордых.

Лицы мученичестии противишася мучителем, глаголюще://
мы воинствуем Царю Сиам:// аще и огню и мукам предадите
нас, // не отменяемся Троицкия силы.

Слава, и ныне, глас 2: Слава Отцу, и Сыну, и Святому Духу,

20 декабря, свт. Амвросия Медиоланского

// и ны́не, и прѣсно, и во ве́ки веко́в. Ами́нь.

Спаси́ от бе́д рабы́ Твоя́, Богоро́дице Де́во,/ я́ко всѣ́ по Бо́зе к Тебе́ прибега́ем,// я́ко к неруши́мей стене́ и предста́тельству.

Молитва святого Симеона Богоприимца

Чтец: Ны́не отпу́щаеши раба́ Твоего́, Влады́ко, / по глаго́лу Твоему́ с ми́ром: / я́ко ви́деста о́чи мой спасе́ние Твое́, / е́же еси́ угото́вал пред ли́цем всех люде́й, / свет во открове́ние язы́ков, / и сла́ву люде́й Твои́х Изра́иля.

Святы́й Бо́же, Святы́й Кре́пкий, Святы́й Безсме́ртный, поми́луй нас (*трижды*).

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очи́сти грехи́ на́ша; Влады́ко, прости́ беззаконя́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй (*трижды*).

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

О́тче наш, И́же еси́ на Небесе́х! Да святѣ́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оста́вляем должни́ком на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прѣсно, и во ве́ки веко́в.

Лик: Ами́нь.

Тропари

Тропарь свт. Амвросия, епископа Медиоланскаго, глас 4

Прави́ло ве́ры и о́браз крото́сти,/ воздержа́ния учи́теля/ яви́ ты ста́ду твоemú/ я́же веще́й и́стина./ Сего́ ра́ди стяжа́л еси́ смире́нием вы́сокая,/ нището́ю богáтая,/ о́тче Амвро́сие,/ моли́ Христа́ Бо́га,// спасти́ся душа́м на́шим.

20 декабря, свт. Амвросия Медиоланского

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Богородичен, глас 2:

Вся па́че смы́сла,/ вся пресла́вная Твоя́, Богоро́дице, та́инства,/ чистоте́ запеча́танной и де́вству храни́му,/ Ма́ти позна́лася еси́ нелóжна,/ Бо́га ро́ждши И́стиннаго.// Того́ моли́ спасті́ся душа́м на́шим.

Сугубая ектения

Диакон: Помілуй нас, Бо́же, по вели́цей мілости Твое́й, мо́лим Ти ся, услы́ши и помілуй.

Лик: Го́споди, помілуй *(трижды)*.

Диакон: Ещё мо́лимся о Вели́ком Госпо́дине и Отце́ на́шем Святе́йшем Патри́архе Кири́лле, и всей во Христе́ бра́тии на́шей.

Лик: Го́споди, помілуй *(трижды)*.

Диакон: прошения по чину...

И священник возглашает: Яко Милостив и Человеколюбец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно и во ве́ки веко́в.

Лик: Ами́нь.

Диакон: Прему́дрость.

Лик: Благослові́.

Священник: Сый благословен Христос Бог наш, всегда́, ны́не и прісно и во ве́ки веко́в.

Лик: Ами́нь. **Утверди́, Бо́же,/ святу́ю правосла́вную ве́ру, правосла́вных христиа́н/ во век ве́ка.**

Священник: Пресвята́я Богоро́дице, спаси́ нас.

Лик: Честне́йшую Херуви́м и сла́внейшую без сравне́ния Се-рафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

Священник: Сла́ва Тебе́, Христе́ Бо́же, упова́ние на́ше, сла́ва Тебе́.

20 декабря, свт. Амвросия Медиоланского

Лик: Сла́ва Отцу́ и Сы́ну и Свято́му Ду́ху, и ны́не и прѣсно
и во ве́ки веко́в. Ами́нь. Го́споди, поми́луй (*трижды*). Благо-
сло́ви. (илиВлыдыко, благослови)

Священник глаголет Отпуст

Христос Истинный Бог наш, моли́твами Пречи́стыя Своея́ Ма́тере, пред-
ста́тельствы честных Небе́сных Сил Безплотных: святы́х сла́вных и всехва́льных
Апо́стол, свт. Николая, архиепископа Мир Ликийских, Чудотворца, прор. Авваку́ма,
святы́х пра́ведных Богооте́ц Иоакима и А́нны, и всех святы́х, поми́луе и спасе́т нас,
яко Благ и Человеколюбец.

Многолетие

Лик: Вели́каго господи́на и отца́ на́шего Кири́лла, / Святе́йшаго Пат-
риарха Моско́вскаго и всея́ Ру́си, / богохра́нимую страну́ на́шу Росси́йскую, /
настоя́теля, бра́тию и прихо́жан свята́го хра́ма сего́, / и вся правосла́вныя хри-
стиа́ны, / Го́споди, сохрани́ их на мно́гая ле́та.